

Ka Baibl na ka bynta ki Khyannah
ka wanrah



Ka Bneng,
Ka Iing
Itynnat
jong U Blei



La thoh da: Edward Hughes

La dro dur da: Lazarus
Alastair Paterson

La shim kylliang da: Sarah S.


La pynmih da: Bible for Children
www.M1914.org

©2021 Bible for Children, Inc.

License: Phi don ka hok ban copy lane ban shon ia kane
ka jingiathuhkhana, lada phim die ia ka.




Haba U Jisu u la im ha kane ka pyrthei, U la iathuh ia la ki synran shaphang ka Bneng. U khot ia ka, "Ka İing jong U Kpa jong nga," bad U la ong ba don shibun ki kamra hangta. Ka iing kaba heh bad ba-itynnat. Ka Bneng ka long kaba kham heh bad kham itynnat ban ia kano kano ka iing ha ka pyrthei.



U Jisu u la ong, "Ngan leit ban pynkhreh ka jaka ia phi. Bad haba nga leit bad khreh ka jaka ia phi, ngan wan pat sa shisien bad pdiang ia phi ha lade hi." U Jisu u la leit sha Bneng, hadien ba u la mihpat na ki baiap. Katba ki synran jong U ki dang iakhmih, la

shim noh ia U Jisu sha jrong, bad u lyoh u la pdiang ia U na ka jingiohi jong ki.



Naduh kata keiñ, ki Khristan ki la iaikynmaw ia ka jingkular jong U Jisu ba un sa wan pat bad shaw ia ki. U Jisu u la ong ba un sa wan pat shen shen, ha ka por bym poi pyrkhath. Hynrei, kumno pat shaphang ki Khristan kiba la iap noh ha shuwa ba un wan? Ka Baibl ka ong ba ki leit beit ban don bad U Jisu. Ban ym don shuh ha kane ka doh ka dei ban


don lem bad U Trai.



KA
JINGDON RYNGKAT
LEM BAD U TRAI



Ka Kitab Jingpynpaw, ka kitab bakhatduh ha ka Baibl, ka iathuh ia ngi haduh katno ka Bneng ka long ka baphylla. Kata kaba phylla tam ka long, ha ka rukom kaba kham kyrpang eh, ba ka Bneng ka dei ka iing jong U Blei. U Blei u don ha ki jaka baroh, hynrei, ka khet jong U ka don ha Bneng.



Ki angel bad kiwei pat ki jingthaw bakynja bneng ki
mane ia U Blei ha Bneng. Ka long kumta ruh, baroh
ki briew jong U Blei kiba la iap
bad kiba la leit noh sha Bneng.
Ki iarwai ia ki jingrwai iaroh
bakyrpang ia U Blei.




Kine ki long katto katne ki kyntien na kawei ka
jingrwai ba ki iarwai: ME LONG UBA DEI EH,
NAMAR ME LA SIEWSPAH IA
NGI HA U BLEI DA LA KA
JONG KA SNAM, NA KAWEI
PA KAWEI KA JAIT BAD KA
KYNJA BYNRIEW, BAD ME LA
PYNLONG IA
NGI KI SYIEM
BAD KI
LYNGDOH
HA U BLEI
JONG NGI.



Ki sla bakhatduh jong ka Baibl ki batai shaphang ka Bneng kum "Ka Jerusalem Bathymmai". Ka long kaba khraw shikatdei eh, kaba don ka kynroh bajrong shabar jong ka. Ka kynroh ka la long da u mawkordor Jasper, kaba sngur kum u mawleiñ. Ki mawlynnai bad


ki mawkordor ki tap ia ka nongrim jong ka kynroh, ka phyrnai thaba da ki rong kiba itynnat shibun. Ìa kawei pa kawei ka khyrdop jong ka nongbah la thaw na uwei u mawkordor bakhraw eh!



Īa kine ki khyrdop mawkordor bakhraw ym ju khang.
Īa ngin leit rung shapoh bad khmih sawdong ... WOW!
Ka Bneng ka long kaba kham itynnat shuh shuh ha
kaba shapoh jong ka. Īa ka nongbah la shna da ka
ksiar nylla, kum ka
jingsngur jong ka
iit. Wat ia ki
surok la shna
da ka ksiar.



Ka wah ka jingim, kaba itynnat bad basngur ka tuid
na ka khet ka jong U Blei. Ha kawei kawei ka liang
jong ka wah la don u dieng jong ka jingim, ia uba la
shem nyngkong eh ha ka Kper Eden. Une u dieng u
long uba kham kyrpang. U pynmih khat-ar tylli ki soh
ki bapher bapher, uwei uwei u jait soh ha uwei uwei u
bnai. Bad ki sla jong u dieng ka jingim u long na ka
bynta ka jingpynkhiah ia ki kynja
bynriew.



Ka Bneng kam donkam ia ka sngi lane ia u bnai na ka bynta ka jingshai. Ka burom ka jong U Blei ka pyndap ia ka da ka jingshai baphylla. Hangta ym don kano kano ka miet.



Wat ki mrad ha Bneng ki long kiba pher. Ki long baroh kiba la pynjuh bad kiba sngewtynnat. Ki suri bad ki khun langbrot ki iabam phlang. Wat ki sing ki bam skum kba kumba long u masi. U TRAI u ong, "Kin ym pynmysaw lymne pynjot ha baroh u lum bakhuid jong Nga."




Katba ngi phai sawdong, ngi iohi ba don kiei kiei ki bym don ha Bneng. Ym iohsngew ia ki kyntien bitar. Ym don mano mano ba iashoh iadat lane kiba pyrkhath tang ia lade. Ym don ki tala ha ki jingkhah bah, namar ym don nongtuh ha Bneng. Ym don kino kino kiba lamler, ki nongpyniap briew, ki nongleh byrtong, lane kiwei pat ki briew bymman. Ym don kano kano ka jait pop ha Bneng.




Ha Bneng lem bad U Blei,
ym don suh ki jingjaw
ummat. Hateng hateng, ki
briew jong U Blei ki iam
namar ki jingsngewsih
bakhraw ha kane ka jingim.
Ha Bneng, U Blei un ñiad
noh ia ki ummat baroh.



Lymne, ym don shuh ka jingiap ha Bneng. Ki briew
jong U Blei kin iai don junom bad U Trai. Ym don
shuh ka jingsngewsih, ym don shuh ka jingiam, ym don
shuh ka jingshitom. Ym don shuh ka jingpang, ym don
shuh ka jingiakhlad, ym
don shuh ka jingleit
on tep. Iwei pa iwei
baroh ha Bneng i
kmen junom bad
U Blei.



Ka babha tam na baroh, ka Bneng ka long na ka bynta ki khyannah shynrang bad kynthei (bad ia kiba la san kumjuh) kiba la ngeit ha U Jisu Khrist kum U Nongpynim jong ki bad kiba la kohnguh ia U kum U Trai jong ki. Ha Bneng ka don ka kitab ba la khot kyrting "Ka Kitab ka Jingim jong U Khun Langbrot". Ka dap da ki kyrting jong ki briew. Hato phi tip ia ki kyrting jongno la thoh hangta? Baroh ki briew kiba buh ia ka jingshaniah jong ki ha U Jisu. Hato ka kyrting jong phi ka don hangta?



Ki kyntien bakhatduh ha ka Baibl shaphang
ka Bneng ki long ka jinghot sngewbha baphylla.



"Bad U Mynsiem bad ka nongleit kurim ki ong, 'To wan!' Bad ai ba mano mano ba iohsngew, in ong, 'To Wan!' Bad ai ba mano mano ba sliang, in wan. Bad mano mano ba thrang, ai ba in wan ban dih ei ia ka um ka jingim."



Ka Bneng, Ka Īing Itynnatt jong U Blei

Ka jingiatuhkhana na Ka Ktien U Blei, ka Baibl,

la shem ha

Īoannis 14; 2 Korinth 5;
Jingpynpaw 4, 21, 22

"Ka jingrung Ki Ktien jong Me ka ai jingshai."
Salm 119:130



Ka Bakut



Kane ka jingiathuhkhana na ka Baibl ka iathuh ha ngi shaphang U Blei jong ngi U baphylla, uba la thaw ia ngi bad uba kwah ia phi ban ithuh ia U.

U Blei u tip ba ngi la leh ia kiei kiei ki basniew, kiba U khot "Ka Pop". Ka jingpynshitom ia ka pop ka dei ka jingiap, hynrei, U Blei u ieit ia phi haduh katta katta, ha kaba U la phah ia la U Khun ba tang marwei jong U, U Jisu keiñ, ban shahiap halor Ka Diengphna bad ban shah pynshitom na ka bynta ki pop jong phi. Nangta pat, U Jisu u la mihipat bad U la kiew noh sha Bneng! Lada phi ngeit ha U Jisu bad kyrpad ia U ban map ia ki pop jong phi, Un leh kumta! Un wan bad shong hapoh jong phi mynta, bad phin iai im junom bad U.

Lada phi ngeit ba kane ka dei ka jingshisha, ong ia kane ha U Blei: Jisu baieit, nga ngeit ba me long U Blei, bad ba me la wan long briew ban iap na ka bynta ki pop jong nga, bad mynta me im pat. Sngewbha wan hapoh ka jingim jong nga bad to map ia ki pop jong nga, khnang ba ngan lah ban ioh mynta ka jingim bathymmai, bad kumta ha kawei ka sngi ngan sa ioh leit bad long lem bad me junom. To iarap ia nga ba ngan lah ban kohnguh ia me bad ban im na ka bynta jong me kum i khun jong me. Amen.

Pule ia ka Baibl bad iakren bad U Blei man la ka sngi! İoan. 3:16

